



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 76. Variæ vicissitudines in Regno Angliæ.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

§. LXXVI.

Sæc. XVII.
A. C. 1614.*Variae vicissitudines in Regno
Angliæ.*

Quamquam Jacobus Angliæ Rex sese *Annal. Jacobi I. p. 7.*
Catholicis minus propitium exhiberet, Aulæ tamen Ministri his magis quam Puritanis favebant; hos enim tanquam Regis ac Monarchici Regiminis hostes abominabantur, illos vero unice intentos credebant, ut Regis voluntati in omnibus obsecundarent. Eapropter Puritanorum non pauci, ut continuas vexationes effugerent, in America sedem figere decreverant. Vocabantur hi quidem Puritani, re tamen ipsa varias profitebantur sectas schismaticas; nomen enim *Puritani*, quicquid in aliis sectis vel boni vel mali erat, complectitur, quocirca vere ac proprio nomine dividi possunt in *Puritanos scurras, & scurriles Puritanos* (*): Quoniam vero timendum esset, ne audis horum familiis hæc secta in America invalesceret, hinc Rex illos eo migrare vetuit. Eodem quoque anno Catholici jacturam deplorabant Northantoniæ Comitibus, qui, postquam trucidato

Bb 3

cidato

(*) Ita loquitur author Annalium Jacobi I. l. c. relatus a Rapino de Toyras.

Sæc. XVII. cidato Overburio in gratia Roberti Car-
 A. C. 1614. ri Sommerfeti Comitis successerat, hu-
 jus clientis auctoritatem in favorem
 Catholicorum vertebat. Hic enim,
 quamdiu apud Regem gratia valebat,
 semper Catholicos pro viribus protege-
 bat, cum vero insuper Sommerfeti re-
 gii Clientis animum sibi devinctum ha-
 beret, & quinque Portuum Guberna-
 tor creatus esset, Sacerdotibus Catho-
 licis ac Jesuitis securam illuc appel-
 lendi facultatem concesserat, unde ob-
 ingentem eorum, qui in Angliam ve-
 nerant, numerum, querendi, culpam-
 que in Nortantonix Comitem rejiciendi
 ansam Calvinistæ sumpserunt, quorum
 tamen ora Comes obturabat, poenis
 lege de scandalis Magnatum (*) statutis
 in petulantiores animadvertens: Ma-
 gis tamen Comiti infensum sese exhibe-
 bat Cantuariensis Pseudo-Archiepisco-
 pus, qui omnes moderationis leges
 prætergressus, coram Rege epistolam
 produxit a præfato Comite ad Bellar-
 minum Cardinalem scriptam, in qua
 is profitebatur, quod temporum ini-
 quitate, ac importunitate Regis de-
 victus,

(*) Hæc lex in Anglia fuit statuta, ut re-
 verentia Proceribus debita facta servaretur,
 indictis severis poenis in eos, qui in eos pro-
 bra ingerere non reformidarent.

Sæc. XVII.
A. C. 1614.

victus, exterius quidem Protestantium sectæ adhæreret, animo tamen constanter Catholicam coleret Religionem, semperque Orthodoxis favere paratus esset. Habita hujus epistolæ notitia omnes, qui de maledictis in Comitem congestis antea accusati fuerant, liberi dimittebantur, Comes vero a Rege acriter hac super re objurgatus, Charingium ad villam suam emigrare compulsus est, ubi etiam paulopost obiit, in testamenti sui tabulis declarans, quod semper in Religione Catholica vixerit, atque etiam in ea mori cupiat.

Nec tamen amandato hoc Catholicorum fautore Rex majore fruebatur quiete, populo ac præcipue Puritanis in publicas contra ejus profusionem querimonias erumpentibus. Cum enim Rex ad extorquendas pecunias jam omnes fontes exhausisset, nec tamen pro impetrandis novis subsidiis Curias, ut moris erat, convocare auderet, eo quod præcipue Ordo plebeius, seu *Curia communis* ac inferior, ut vocari solet, in ejusmodi Conventibus libere suas querelas proponere, ac ipsius Regis, suorumque Ministrorum gesta discutere haud dubitaret, hinc Rex partim aulæ officia vendere, novaque pecunias corradendi media excogitare cogebatur: quoniam vero omnes hæ ar-

Bb 4

tes

SÆC. XVII. tes ad levandam Regis necessitatem
 A. C. 1614. haud sufficerent, invitus licet, urgen-
 tibus tamen Sommerfeto Comite, & supremo Regni Thesaurario ad diem primam Aprilis ejusmodi comitia indixit, inferioris Curix Deputatis exponens, quod pro filix suæ nuptiis prius in certam pecuniæ summam consentirent, postea nationis gravamina discutere permitterentur. Verum hi præprimis, quomodo Regni reditus fuerint impensi, disquiri petebant, Regem fugillantes, quod inutiles fecisset expensas, absque Senatus consensu pecuniarum exactiones indixisset, monopolia non sine magno commercii damno exerceri, ac Catholicorum numerum indies augeri permisisset, quos ideo tantopere multiplicatos ajebant, eoquod Rex Papistas ad suum Senatum admisisset, & cum exteris Catholicisque Principibus negotiationes habuisset, eo sub obtentu, ut nuptias inter utrumque suum Filium, & Catholicas Principum filias conciliaret: Hæc Deputatorum libertas Regi summopere displicuit, magis tamen ejus Aulicis, qui assentionibus affueti, Jacobum velut sui ævi Salomonem, sapientissimum, prudentissimum, omniumque Regum æquissimum deprædicabant, eumque ad vindicandam hanc injuriam inci-

incitantes, eo inclinabant, ut die septima Junii Curiam inferiorem exauctoret, eosque, qui liberius obstreperant, in carceres deduci juberet. Hic denique fuit finis hujus conventus, in quo nec unicum quidem decretum pro utilitate publica fuit sancitum.

§. LXXVII.

*Variae decisiones auctoritate Pauli V.
Pontificis editæ.*

Ineunte hoc anno die decima quarta Januarii summus Pontifex edito diploma Congregationem Clericorum Sæcularium sub invocatione Beatæ Matris Dei erexit, eique scholarum piarum Regimen ubique ac perpetuo jure demandavit, eo fine, ut ab eis pauperes, etiam Nobilium filii, quorum familiæ ad inopiam redactæ sunt, gratis in literis & virtutum exercitiis instituantur. Præterea auctoritate ejusdem summi Pontificis Sacra Rituum Congregatio die decima nona ejusdem Mensis declarabat, quod solus Episcopus possit habere fenestras in Ecclesia, per quas in eam conspectus haberi valeat. Sequentis autem Mensis die decima quinta in Congregatione Episcoporum & Regularium fuit sancitum, quod Vicarius Apostolicus non possit functiones

Sæc. XVII.
A. C. 1614.

Bullar.
magn. tom.
3. Const. 81.

S. Rituum
& Concil.
Congreg.

Congreg.
Episcop. in
Casalen.